


INZOZI
ZA

Graca




Mbere gato y'uko Graça avuka, nyina umubyara afite ibyishimo n'umubabaro. Yabaga mu gace k'icyaro mu gihugu cya Mozambique, igihugu cyari gikennye ndetse kidafite ubwigenge. icyo gihe abana ntibagiraga amashuri meza ndetse benshi muri bo ntibari bazi gusoma. Nyina wa Graça yari anejweno kubyara ariko kandi ahangayikishijwe n'uko nta burezi bwiza umwana we azabona.



Graça yari agiye kuvuka ari umwana wa gatandatu mu muryango wabo. Nyamara ariko uyu munezero ntiwari wuzuye kuko Se wa Graça yari arembye ari hafi kwitaba Imana. Yifuzaga ko umukobwa we aziga mu mashuri meza kuko yizeraga ko aribyo bizamuhesha amahirwe abandi batagize. Ni uko abagize umuryango bamusezeranya kuzakoraa ibishoboka byose ngo inzosi ze zibe impamo.



Nyuma y'iminsi mike Se yitabye Imana, Graça yaravutse, ahabwa iryo zina nk'ikimenyetso cy'ubwiza n'umugisha yari azanye mu muryango.




Graça yari umuhanga cyane mu ishuri ndetse bidatinze aza guhabwa ubufasha bwo kuja kwiga mu ishuri ry'abana b'abakire ryabaga mu muji. Inzozo ze zari ukuzaba mwarimu. Yifuzaga ko abana bose bamenya gusoma. Yifuzaga kuzabona umunsi abana bose bo muri Mozambique bari mu mashuri.



Ageze mu muji, Graça yakomeje kuba umuhanga maze yongera kubona inkunga yo gukomeza amashuri. Ayo mashuri yari aya kaminuza mu gihugu cya Porutigali. Agezeyo yabonye inshuti nyinshi, yiga indimi nshya anasoma ibitabo byinshi. Nk'uko yari yarabyifuje, yaje kuba umwarimu. Ibi byose byaramushimishije, nyamara hari ikintu cyamubabazaga.




Igihugu cyeye cyari kiratabona ubwigenge. Yari ababajwe n'uko abana badafite ubureganzira ku burezi bwiza. Ni uko yiyemeza gusubira iwabo agafatanya na zimwe mu nshuti ze kuzana impinduka mu gihugu.



Nyuma y'urugendo rutoroshye, Mozambique yabonye ubwigenge.
Umunezero wari wose mu gihugu.




Nyuma y'ubwigenge, uwahawe kuyoboraa igihugu yari Samora Machel, akaba inshuti ya Graça. Baje gukundana maze bakora ubukwe.




Graça yahawe inshingano zitoroshye zo kugeza uburezi bwiza ku bana bose mu gihugu.
Ni uko atangirana n'amashuri abanza, yohereza abana b'abahungu kimwe n'abakobwa mu
ishuri ndetse babona ibitabo mu rwego rwo kubafasha kumenya gusoma.



Graça na Samora babyaranye abana babiri. Bombi bari basangiye inzozi zo guteza imbere igihugu cya Mozambique.
Nyamara Samora ntiyabashije kubigeraho neza kuko yaguye mu mpanuka y'indege.



Nyuma y'igihe kinini Graça yaje kuza guhura na Nelson Mandela nawe wari ufite inzozi zo kugeza benewabo ku bwigenge n'iterambere, maze barakundana. Bombi bafatanya kuvugira abana b'abanyafurika.



Graça yageze ku nzozi ze zo guhesha igihugu cye ubwigenge ndetse no guha abana uburezi bunoze.



Akira iki gitabo mwana wanjye usome umenye.
Ni iki wifuza kuzageraho? Ese inzozo zawe ni izihe?

